



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expedita Juris Divini, Natvralis, Et Ecclesiastici Moralis
Expositio**

Tamburini, Tommaso

Coloniæ Agrippinæ, 1665

De Justitia prædictorum Contractuum, Caput Secundum.

urn:nbn:de:hbz:466:1-40132

Habeo Censum in feudo Petri, sensus est. Habeo ius exigendi certam pecunie summam, seu certos fructus ex Petri feudo. Lege Valent. aliosque.

*1 Val. T. 3.
11 d. 1. 4.
11 p. 1.
Nolm. d.
13.
Leff. l.c.
16. 11. d. 1.*

Adverte, sum, qui emit Centum, id est, cui solvenda est pensio, appellari Censuistam, seu Censualistam: qui vero vendit, id est, qui solvitur est Censum, vocari Censuarium.

Personalis, Realis, Mistus.

3. Secundò, Census Consignativus, de quo solet hic esse sermo, propter graves, & proprias difficultates, quibus scaturit, triplex est, ratione scilicet rei, super qua constituitur, quæ item est triplex. Primo enim constituitur super aliqua persona, diciturque Census Personalis, & tunc pensio solvenda est, veluti ex fructibus propriæ artis industria, operæ, laboris ipsius Personæ, in qua Census fundatur. Mensus autem erit Personalis, si nihil addas, at si addas aliam rem, ex qua non solvatur quidem pensio, sed sit veluti pignus, seu hypotheca ad alsecurationem dicti Census, dicitur, & non mente personalis.

Secundò, constituitur Census, seu fundatur in aliqua re utili, & fructifera, sive immobili, ut sunt Prædia, Domus, &c. sive aliquando mobili, seu se movente, quæ facit fructum, ut sunt greges, armamenta, &c. diciturque Census Realis. Tertiò, constituitur in re, & persona, ita ut, si res pereat, debeat ipsa persona solvere ex fructu sua artis, vel industria, diciturque Census mistus.

Perpetuus, & Temporalis.

4. Tertiò, dividitur Census ratione temporis. Alius enim est perpetuus, id est, pensio est perpetuo solvenda, nam, & ad hæredes transit: alias Temporalis, id est, solvenda ad tempus, sive incertum, ut si esset ad vitam alterius, quo pâcto vocari vulgo solet Vitalitus, sive certum, ut, si esset ad decem, ad quindecim, ad viginti annos: Unde clarè colligis, non esse licitum, constituere Censum perpetuum super personam, quia hæc perpetua non est, & consequenter fructum perpetuum non facit.

Tamburinus de Sacramentis.

Redimibilis, & Irredimibilis.

5. Quartò, dividitur ratione pacti, nam pacisci solet contrahentes aliquando, ut Census redimatur, & tunc dicitur Census redimibilis. Quod si pactum sit, ut Census redimatur, seu extinguitur, quandocumque voluerit Venditor, restituendo pecuniam totam, quam habuit ex venditione, pactum erit in gratiam Venditoris; si, quandocumque voluerit Emptor, erit in gratiam Emptoris, si quandocumque Venditor, vel Emptor voluerit, erit ex parte utriusque atque adeò in utriusque gratiam. Aliquando autem paciscuntur contrahentes, ut nunquam Census redimatur, & tunc erit Census irredimibilis, atque adeò perpetuus. In dubio, an Census sit redimibilis, an irredimibilis, esse irredimibilem putat Delugo c Delugo
d. 27. ac
Inst. m. 7.

Pecuniarius, Fructuarius.

6. Quintò, dividitur ratione pensionis, erit enim Census Pecuniarius, si solvitur pecunia: Fructuarius, si fructus, oleum frumentum, vinum, &c. quæ ex re percipiuntur.

Certus, Incertus.

7. Sextò denique, certus dicitur Census, si debet solvi determinata pars fructuum puta semper, & in omni eventu, quinque mensurae ordei, vini, &c. Incertus, si indeterminata, seu ut aliqui loquuntur, aliquota, pura, terra, vel quarta, vel quinta pars fructuum, qui ex re, illo anno, provenient.

C A P U T II.

De Justitia prædictorum Contrarium.

P rædictos Census esse ferè omnes licitos, & justos, nisi aliundè, sive in pretio, sive ex aliquo adjuncto delinquatur, d Val. T. 3. tanquam certum supponimus omnes. 22. d. 59.

Dixi, ferè, quia dubitatur de a mere Perso- par. 2. & nali, deque Vitalito, de quibus hic breviter. qu. 25. p. 2 Nec omittemus tamen dicere id, quod scitu Leff. l.c. necessarium erit de Reali. cap. 22.

Uuu §. I. Per- num. 18.

§. I.

Personalis, an sit licitus?

1. Dico Primo, hunc esse justum, ac licitum ex natura sua, quia à veritate aberrat id, quod aliqui cum Navarro dicunt, hunc contractum non esse, nisi mutuum cum lucro; atque adeo esse meram usuram: aberrat, inquam, à veritate, nam contractus hic est emplio fructuum, seu lucri, quod homo opera sua acquirere potest. Sicut ergo omnes concedimus, Censum Realem esse licitum, quia per illum emitur Jus ad percipiendo fructus agri, domus, piscinæ, &c. ita concedere debemus, esse licitum, emere Jus ad fructus, quos homo sua arte, & opere facere potest.

2. Sed adverte Primo, quod sicuti Venditor tunc debet hos efficere, ne fraudet Emptorem, ex quibus solvere possit pensionem, sic Emptor deberet, in emendo eujusmodi Censum, cognoscere, talem personam esse idoneam, ad fuerandam illam pensionem quam Venditor vendit: fuerandam, inquam, sua, id est Venditoris industria, artificio, officio, &c. secus nihil emeret, unde pensionem injuste fumeret.

3. Objicies cum Navarro. Martinus V. & Callistus III. in suis Bullis paulò pèst referendis, solum dixerunt, Census Reales esse licitos, ergo Personales reprobantur. Respondeo, dictos Pontifices non negasse, Census Personales esse licitos, sed solum declarasse Census Reales licitos esse, de quibus interrogati fuerunt, ut loc. cit. notat Valen. Quare nihil contra nos.

4. Dico tamen Secundò. Census hos Personales propter fraudis, & usuræ timorem, esse Jure Pontificio prohibitos, nam propterea addidimus in praecedenti conclusione illud (ex natura sua.) Hæc conclusio patet ex dicendis, quia Pontifices semper requirunt Census debere constitui in re immobili. Quoniam ergo prohibitio fundatur in presumptione fraudis, & usuræ, si hæc vere, omnibus consideratis absunt, licitus erit in foro contentious contractus, si cætera ad sint: nam in foro fori. Judices debent judicare juxta prædictum Jus Pontificium.

§. II.

An licitus sit Vitalitius?

1. Census Vitalitius, de quo hic dubitari, & disputari solet, celebratur Primo, in hunc modum: *Do tibi centum aureos, quos à te nunquam auferam, eo tamen pacto, ut tu, donec ego vixero, vel donec vixerit meus filius, vel nepos, si nascentur, (quamvis nondum sint nati) vel donec vixerit Petrus, vel Paulus, vel alterius.* Tu inquam, des mihi quinque pro singulis annis; & hic vocatur Census Vitalitius Personalis.

2. Celebratur Secundò, hoc alio modo: *Do tibi centum, quibus mihi vendas Ius ad fructus tui predii, donec vixeris, dando mihi ex illis fructibus quinque u.gr. singulis annis tue vita, vel alterius.* & hic appellatur Census Vitalitius Realis.

3. Dico jam Primo, hos contractus posse licito modo celebrari (semper præscindendo ab aliquo extrinsecō inconveniente, & supposito pretio justo, de quo mox infra hoc est esse licitos hos contractus, non solum, quando Census dictus constituitur supra rem realem verbi gratia Prædiūm, sed etiam, quando dumtaxat supra Personam, quantumvis hæc Persona nulla ratione ex sua arte, & industria sit fructifera. Ratio hujus dicti est, quia Justitia hujus contractus nequam inititur in eo, quod ematur Jus ad fructus; sed in contractu fortis, in quo specialiter contractantes se exponunt periculo lucri, & damni, cum mors sit incerta. Si enim sic dicas: *Do tibi centum, qua à te, vel à tua nunquam sint auferenda, tu vero reddas mihi, vel meo heredi singulis annis, (tua vita durante) decem;* nonne potest esse, ut æqualiter ego, vel tu, juxta longitudinem, & brevitatem vita tuae, lucrum vel jacturam faciamus.

4. Dico Secundò, Census eodem Vitalitios posse licite celebrari, etiamsi post Bullam Pii V. Ratio est, quia Justitia hujus contractus, de quo agimus, non inititur, ut modo diximus, in emptione fructuū, vel alterius rei, sed in periculo æquali, estque contractus fortius. Hæc sententia est mihi & probabilior. (E. 44. st. Molina c. dicat, id esse contra Bullam Pii V.) c. Molina d. Pius enim nō videtur prohibuisse ludū fortis, 389. in p. sed claus.

sed contra eum illum personalem, qui fundatur in fructibus, vel operibus solius personæ. Adde, id, quod modo dixi parag. præced. num. quarto.

5. Atque hinc sit, ut, quamvis pensiones, quæ sperantur, colligendæ, sint minoris summa, quam summa data, vel sint majoris, semper si licitus contractus, quia per hunc non emuntur illæ pensiones, sed justo pretio emitur spes ad illas; unde sub æquali periculo potest evenire, ut nihil habeas, si statim moriatur venditor, vel multum, si vivat diu.

§. III.

An licitus sit realis.

1. A deo licitus est Census Realis (præscindendo semper ab aliquo extrinseco inconvenienti, &c. cæt.) ut puto, docere contrarium, esse nunc saltem temerarium, & errorem. Ratio est, quia Martinus V. Callistus III. Nicolaus V. in Constitutionibus mox afferendis §. 8. Censum Realem approbant, & approbationis quidem ratio potissima fuit, quia est verus contractus emptionis, quo non quidem emitur ipsa pensio, si naturam contractus Census bene cognoscas, sed, vel emitur Jus percipiendi ipsam ex fructibus rei, ut min. lib. 3. habent communiter Doctores & vel, ut habet n. 4. c. 18. Delugo b. emitur pars ususfructus illius prædii, super quo Census constitutus, ita, ut dominium totum directum prædii maneat a. 37. de pud Venditorem, dominium vero utile, quod a. 37. de appellatur ususfructus, ex parte, vendatur; nam propterea minoris semper debet vendi, quam valeat totum prædiū, quia minoris estimatur dominium utile, quamvis totum, & integrum, quam dominium ipsum utile simul cum dominio directo, quorum utrumque venditur, quando venditur absolute prædictum, & cum in Censu vendatur solum ususfructus, ut dictum est.

2. Ex hac ratione sive, ut Doctores communiter, sive, ut Delugo illam inducit, vides Primi, non solum posse emi Census antiquos, jam constitutos, sed etiam posse novos constitui. Nam eadem est ratio, per quam antiqui rectè constituti sunt, ac illa, per quam nunc de novo constitutur; utrobius enim non est mutuum cum lucro, sed vera emptio, & venditio; Et profecto antiqui ipsi nonne olim fuerant novi?

3. Vides Secundò, facilè solvi argumentum aliquorum e putantium, ejusmodi Census esse illicitos. Qui vendit (ajunt) Censum recipiendo v. gr. mille ab emptore, debet sin- gulis annis ad rationem, v. gr. quinque pro centenario ipsi dare quinquaginta; dabit ergo ex obligatione centum in duobus annis, & tamen semper debet mille, quod est Capitale, quodque semper, ex natura hujus Census Realis, dare debet, si vult Censum extinguere ergo obligabitur dare plus, quam accepit, quæ est clara usura. Facile, inquam, solvit, nam sicuti justè emit quis prædiū, quamvis idem ex fructibus, quos per annos consequentes colligeret, compenset sibi totum pretium, quod dedit, & adhuc ipsi remaneat totum prædiū, quod posset vendere, quanti emit; ita, etiam licita, & justa erit emptio Census realis, quamvis pensiones solvendæ sint supra pretium ipsius Capitalis. Et ratio ulterior hujus Justitiae est, quia ego non emo ipsas pensiones futuras, sed, ut modo vidimus, Jus præsens ad illas, quod Jus à me habitum, & veluti à me possesso, necesse est, ut mihi tanquam Domino fructificet.

4. Vides Tertiò, necessarium esse ad Justitiam d' venditionis Census, ut res sit fructifera, undè injustus est venditor Census, id est, Censuarius; si obligat Emptori, id est, Censuarius rem non potentem reddere fructus, saltem tot, quot pensio exigit, aut si obligat rem, eos quidem reddentem, sed jam in aliis Censibus venditam.

5. Denique, quamvis Census sit supra prædiū, eisque fructus, scias tamen, bend, & licet te postea percipere à possidente prædiū, pensionem pecuniariam, quia, in constituendo ejusmodi Censu, adsunt implicitè duo contractus: Alter est Venditionis Census Fructuarii, quo mihi venditur Jus ad fructus seu, ex explicatione Delugo, ususfructus partialis. Alter permutacionis, quo Venditor sibi retinet fructus, & solvit, servata æqualitate,

pecuniam, computando unum annum forte sterilem pro alio. Lege Molin. e alios que.

e Molin. d.

385.

Arag. 2. 2.

9. 78. ar. 4.

conclus. 2.

Delugo l.c.